



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-8199/18
Sarajevo, 08.01.2019. godine

Na osnovu člana 21. stav (3). tačka c). Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 256. stav 1. tačka (3) Zakona o upravnom postupku („Službeni glasnik Bosne i Hercegovine“ br: 29/02, 12/04, 88/07, 93/09, 41/13 i 53/16) u vezi sa članom 123. Zakona o javnim nabavkama („Službeni glasnik Bosne i Hercegovine“, broj 39/14) – u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2018. godinu, imenovane rješenjem br 01/5-1-14-4-2073 od 12.03.2018. godine u postupku provođenja tenderske procedure za nabavku materijala za tehničko održavanje zgrada za potrebe Ministarstva unutrašnjih poslova Kantona Sarajevo, putem otvorenog postupka, Ministar unutrašnjih poslova Kantona Sarajevo, **d o n o s i:**

O D L U K U

o oglašavanju ništavim Odluke o izboru ponuđača za nabavku materijala za tehničko održavanje zgrada za potrebe Ministarstva unutrašnjih poslova Kantona Sarajevo

I

Oglašava se ništavom Odluka o izboru ponuđača za nabavku materijala za tehničko održavanje zgrada za potrebe Ministarstva unutrašnjih poslova Kantona Sarajevo broj 01-14-4-8199/18 od 21.12.2018. godine zbog toga što nije proveden postupak E-aukcije.

II

Oglašava se ništavim Zapisnik o pregledu i ocjeni ponuda u postupku nabavke materijala za tehničko održavanje zgrada za potrebe Ministarstva unutrašnjih poslova Kantona Sarajevo u dijelu koji se odnosi na izbor najpovoljnijeg ponuđača.

III

Ova Odluka stupa na snagu danom donošenja.



Obrazloženje

Na osnovu Odluke broj 01-14-4-8199 od 19.11.2018. godine i Obavještenja o nabavci broj 1364-7-1-66-3-56/18 od 13.12.2018. godine, proveden je otvoreni postupak za nabavku materijala za tehničko održavanje zgrada za potrebe Ministarstva unutrašnjih poslova Kantona Sarajevo.

Komisija je konstatovala da je na osnovu Obavještenja o nabavci broj 1364-7-1-66-3-56/18 od 13.12.2018. godine, proveden otvoreni postupak za nabavku materijala za tehničko održavanje zgrada za potrebe Ministarstva unutrašnjih poslova Kantona Sarajevo, te je javno otvaranje ponuda izvršeno dana 19.12.2018. godine u 12.00 sati, što je konstatovano zapisnikom sa otvaranja ponuda od 19.12.2018.godine.

Komisija je shodno Zakonu o javnim nabavkama, primjenjujući kriterij "najniža cijena", zapisnikom o pregledu i ocjeni ponuda dala preporuku da se donese odluka o dodjeli ugovora ponuđačima kako slijedi:

Grafikon d.o.o. Sarajevo LOT 1. Cijena ponude je 35.344,40 KM bez PDV-a. LOT 1 Obračunati PDV 6.008,55 KM i ukupna cijena za ugovor sa PDV-om 41.352,95 KM.

PAPILON d.o.o. LOT 2. Cijena ponude je 14.813,90 KM bez PDV-a. Obračunati PDV LOT 2 2.518,36 KM i ukupna cijena za ugovor sa PDV-om 17.332,26 KM.

PAPILON d.o.o. LOT 3. Cijena ponude je 29.705,50 KM bez PDV-a. Obračunati PDV LOT 3 5.049,94 KM i ukupna cijena za ugovor sa PDV-om 34.755,44 KM.

Grafikon d.o.o. Sarajevo LOT 4. Cijena ponude je 10.405,70 KM bez PDV-a. LOT 4 Obračunati PDV 1.768,97 KM i ukupna cijena za ugovor sa PDV-om 12.174,67 KM.

PAPILON d.o.o. LOT 5. Cijena ponude je 23.999,76 KM bez PDV-a. Obračunati PDV LOT 5 4.076,96 KM i ukupna cijena za ugovor sa PDV-om 28.079,92 KM.

U vezi sa navedenim, dana 21.12.2018. godine donesena je Odluka o izboru ponuđača za nabavku materijala za tehničko održavanje zgrada za potrebe Ministarstva unutrašnjih poslova Kantona Sarajevo broj 01-14-4-8199/18 od 21.12.2018. godine i dostavljena ponuđačima u postupku javne nabavke redovnom poštom.

Dana 04.01.2018. godine ponuđač u postupku javne nabavke BOSNAKOM d.o.o. dostavio je e-mail kojim obavještava ovo Ministarstvo da je u provedenom postupku donesena odluka o izboru najpovoljnijeg ponuđača, bez da je provedena E-aukcija.

Nakon prijema navedene obavijesti izvršen je pregled odluke o pokretanju postupka javne nabavke, tenderske dokumentacije i obavještenja o nabavci te je utvrđeno da je za navedeni postupak predviđeno provođenje E-aukcije.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Uzimajući navedeno u obzir, kao i činjenicu da postupak bez provođenja E-aukcije nije moguće okončati u elektronskom sistemu nabavki, odlučeno je kao u dispozitivu. Dalje radnje u navedenom postupku podrazumijevaju da Komisija za javne nabavke, nakon pravosnažnosti ove Odluke, zakaže E-aukciju i provede navedeni postupak u skladu s predviđenom dinamikom.

POUKA O PRAVNOM LIJEKU:

Protiv ove Odluke dopuštena je žalba koja se podnosi ugovornom organu u roku od 10 (deset) dana od dana prijema obavijesti, a u skladu sa članom. 99. i 101. Zakona o javnim nabavkama.



DOSTAVITI:

1. Uprava podrške;
2. Komisiji za nabavke;
3. Odjeljenje za odnose s javnošću;
4. Ponuđačima posredstvom e-maila x 1;
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

